



Broj: 01,02,04/4-05-2-232/25
Sarajevo, 23. 6. 2025.



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

KOLEGIJ PREDSTAVNIČKOG DOMA PSBiH
KOLEGIJ DOMA NARODA PSBiH

PRIMLJENO: 1 -07- 2025			
Organizaciona jedinica	Klasifikaciona oznaka	Redni broj	Broj priloga

Predmet: Izvještaj sa sastanka Generalnog komiteta za ekonomska pitanja PD
Centralnoevropske inicijative, održanog 6. i 7. februara u Materi
(Italija)

Poslanik u Predstavničkom domu Parlamentarne skupštine Bosne i Hercegovine i zamjenik šefa Delegacije PSBiH u Parlamentarnoj dimenziji Centralnoevropske inicijative (PDCEI) Predrag Kožul učestvovao je 6. i 7. februara 2025. godine u italijanskom gradu Materi na sastanku Generalnog komiteta za ekonomske poslove PDCEI, koji je bio posvećen ulozi CEI-ja u promoviranju poslijeratne obnove Ukrajine.

Učesnici sastanka razmijenili su mišljenja o ulozi CEI-ja u promociji poslijeratne obnove Ukrajine izražavajući zajedničku posvećenost da doprinesu budućim, dugoročnim međunarodnim naporima za oporavak i obnovu Ukrajine. Pomoć i podrška CEI-ja Ukrajini istaknute su kao ključni elementi u promociji solidarnosti, kao i u rješavanju regionalnih posljedica koje proizlaze iz rata kroz regionalnu saradnju.

U svom obraćanju učesnicima sastanka poslanik Kožul je rekao da Bosna i Hercegovina, budući da je prošla kroz isto iskustvo rata, možda najbolje može razumjeti Ukrajinu i da će se Ukrajina sresti sa izazovima sličnim onim koje je imala i Bosna i Hercegovina. Dodao je da Bosna i Hercegovina, kao mala zemlja, ne može Ukrajini ponuditi materijalnu pomoć, ali može pomoći u razmjeni iskustava i dobrih praksi u periodu tranzicije nakon rata iz oblasti deminiranja, povratka raseljenih, te uspostavljanja infrastrukture i rekonstrukcije.

Glavne govore održali su važni italijanski zvaničnici, uključujući zamjenika ministra vanjskih poslova Edmonda Ciriellija, te italijanski specijalni izaslanik za obnovu Ukrajine Davide La Cecilia i nacionalni koordinator CEI-ja za Italiju Sem Fabrici.

U svom govoru generalni sekretar Franco Dal Mas istaknuo je veoma delikatan trenutak kroz koji trenutno prolazi proces evropskih integracija i hitnu potrebu za snažnim podsticajem. Istaknuo je da regionalna saradnja igra ključnu ulogu u podršci zemljama

kandidatima i da je neophodno da se ponovo potvrde i promoviraju osnovne vrijednosti Evrope, a to su: mir, poštivanje ljudskih prava, pravda, jednakost i održivi razvoj.


Predsjedavajući sastanka Salvatore Caiata, šef italijanske delegacije u Parlamentarnoj dimenziji CEI-ja, rekao je da će obnova Ukrajine biti veoma izazovan zadatak koji zahtijeva čvrstu sinergiju između javnog i privatnog sektora i saradnju svih zemalja CEI-ja te napomenuo da bi CEI, zbog svoje strukture i sastava, mogao značajno doprinijeti ovom naporu.

Ključna uloga koju bi Italija mogla igrati u okviru međunarodne zajednice, u pogledu obnove i stabilizacije Ukrajine, posebno je istaknuta u vezi s Konferencijom o obnovi Ukrajine koja će biti održana u Rimu 10. i 11. jula 2025. godine.

Predrag Kožul zahvalio se domaćinima na organizaciji i izboru Matere za mjesto održavanja sastanka Generalnog komiteta za ekonomske poslove PDCEI, budući da ovaj italijanski grad, koji je prije pet godina proglašen za evropsku prijestolnicu kulture, predstavlja simbol obnove i prosperiteta.


Izveštaj pripremila

Nataša Čabak


Sekretarka Delegacije

Izveštaj odobrio

Predrag Kožul


Zamjenik predsjedavajućeg
Delegacije PSBiH u PDCEI

Dostaviti:

- naslovu
- članovima Delegacije PSBiH u PDCEI
- Sektoru za odnose s javnošću PSBiH
- a/a